

Kubo



Nakatira si Lito sa kubo.
Ang kubo ay nasa tabi
ng puno. Maraming
sanga ang puno.
Maraming bunga ito.
Ang mga magulang ni
Lito ay sina Mang Bino
at Aling Dina. Sila ay
masaya sa kanilang
kubo.

Maya



Si Aya ay may alaga.
Ito ay isang maya.
Tinatawag niya itong
Miya. Isang araw ay
nakalabas sa hawla si
Miya. Ito ay malaya na.
Nawala ang lungkot ni
Aya nang makita ang
kaniyang maya na
masaya.

Puno



Takbo nang takbo ang mga magkakaibigan na sina Lisa, Mila at Luis. Mayamaya ay tumigil sila. Pumunta sila sa ilalim ng puno ng mangga. Doon sila nagpahinga.

Magkapatid



Naglalaro sa bakuran
ang magkapatid na
sina Rey at Tonyo.
Dumating ang kanilang
ama mula sa trabaho.
Pagod na pagod siya.
Mahigpit na yakap ang
sinalubong ng
magkapatid sa
kanilang ama.

Mag-aaral



Binuksan ni Lito ang kaniyang bag. Kinuha niya ang kaniyang kwaderno. Kinuha niya ang kaniyang lapis. Binuklat niya ang kaniyang aklat. Ginawa niya ang kaniyang takdang-aralin.

Bandila



Papasok sa paaralan si Ana. Bitbit niya ang kaniyang bag at payong. Nang dumating siya sa paaralan ay itinataas na ang bandila. Huminto siya at inawit ang Lupang Hinirang.